

## ( في عينك جرح )

عايش في عينك جرح  
 وطول ما هتشوفنى  
 هتنسى كل الفرح  
 لأنك بتجرحنى  
 زرعت عندي الخوف  
 ولاشي يفرحني  
 نظرة في عينك سهم  
 سيف بيدبحنى  
 رجع ذكرى أليمة  
 والام تطاوحنى  
 ماضي حملته سنين  
 في نفسي وضلوعي  
 تعبني بكاني  
 سهرني قساني  
 نساني حب الغير  
 وهموم محوطانى  
 سحابة ادم عيني  
 فكر محيرنى  
 هي الحياة هتدوم  
 واقع يدمرني  
 ويوم ماترجع تتوب  
 ده شىء يفرحني  
 ابعد بعيد وأنسى  
 أرجوك وريحنى  
 كنت زمان بتحب

وخيرك لكل الناس  
إيه اللي غير طبعك  
لأرقة ولا أحساس  
الدنيا حلوة جميلة  
إسعد بحب الماس  
حوليك كتير حراس  
إفرح وفرح قلبك  
إكبر بحب الناس  
أوعى في يوم تنداس  
وتعيش حياة محتاس  
زور الفقير والغنى  
ده زمن ومخلاش  
وكلمة تصنع بسمة  
والبسمة هي أساس  
أساس لكل الخير  
فقيرا وراضى غنى  
ثرى غنى و هلاس  
اصفح وسامح نفسك  
وارفع عنك مرار  
دى النار تدمر نفسك  
وصورة للأشرار  
أبدا بصفحة جديدة  
قبل ما يوم تنهار  
تحظى بحب الغير  
ويرضى عنك ربك  
وهاتكون مثال للخير  
ويعود تفانى ودك  
ماباقى إلا الحب  
ميراث لجدي وجدك